

# Xuquuqda Ardayda

## Diinta iyo Ku Dhaqanka Diinta

Sharchiyada xuquuqda madaniga waxay ka mamnuucayaan takoorka iyo kadeedka takoorka ku saleysan diinta dugsiyada dadweynaha K-12.

**Takoorka** waa sida aan xaqa ahayn ama sinaan la'aanta loola dhaqmo ama loo kadeedo qof ama koox maxaa yeelay waxay qeyb ka yahiin koox la tilmaamay, oo loo yaqaan dabaqadda la badbaadiyo. **Diinta iyo caqiidada** waa dabaqaad la badbaadiyo sida hoos timaado sharciga Washington.<sup>1</sup>

**Kadeedka takoorka** waa kadeedka ku saleysan **dabaqadda la badbaadiyo**. Waxay qaadan kartaa qaabab badan, sida cago jugleynta, caayda, kaftanka yasniinka, weerarka, ama dabeeecad kale sida cago jugelynta, waxyeelada, ama yasniinka.

### Ka Badbaadinta Takoorka ku Saleysan Diinta

Dugsiyada dadweynaha waa in ay ardayda ka badbaadiyaan takoor iyo kadeedka ku saleysan diinta - kana mid ah diinta uu horay u haystay ardayga, waxa uu aaminsan yahay, labbiska uu qaato, iyo sida uu u hadlo.

#### Fududeynta Diinta

Dugsiyada dadweynaha waa in ay qaadaan talaabo macquul ah si ay ardayga ugu fududeyaan diinta uu aaminsan yahay ama dhaqamada, haddii fududeyntaas aysan abuurin dhibaato dheeraad ah. Dhibaatada aan lagu talogelin waa eray loola jeedo in fududeynta tahay qaali, mijja xaabiso ammaanka, ama farageliso xuquuqda ardayda kale ama shaqaalaha.

Fududeynta diinta waxaa ka mid noqon kara:

- Ogolaashada fasaxyada munaasabadaha diinta iyo hawlaha
- In la bixiyo hawlo kale oo qaba ujeedooyin la mid ah xagga waxbarashada
- Ka dhaafidda xeerka labbiska ama sharuudaha labbiska iskuulka qilaafsan diinta uu aaminsan yahay ardayga ma dhaqankiisa. Tusaale ahaan, waxaa dhici karto in dugsiga ka tanaasulo sharciga u ogolaada ardayga in uu soo qaato daboolka madaxa, dahab, shay la xariira diinta, gar, ama tin ilaa heer dheer.

### Kadeedka Takoorka

Kadeedka ku saleysan diinta waa qaab takoorka laga mamnuucay dugsiyada Washington. Dugsiyada waa in ay qaadaan talaabooyin oo ardayda looga badbaadiyo kadeedka takoorka.

Shaqaalaha dugsiga waa in ay baaraan kadeedka takoorka suurtogalka ah - isla marka ay ogadaan, ama ay ogaan karaan - xattaa haddii waalidka ama ardayga uusan soo gudbinin ashtako rasmi ah.

Haddii baaritaanka muujiyo in dabeeecadda kadeedka abuurtay jawi ku dhisan cadaawad, shaqaalaha waa in ay dhakhso joojiyaan dabeeecadda iyo soo af jaraan jawiga ku dhisan cadaawadda.

Dugsiga waa in uu:

1. Wax ka qabto waxyeelada kadeedka takoorka ku yeeshay ardayga inta uu ku sugnaa dugsiga, **IYO**
2. Hubsado in dabeeecadda takoorka aysan mar kale dhicin.

Waxaad macluumaad badan oo ku saabsan kadeedka takoorka, tilmaamaha siyaasadda dagmada iyo dhaqanka, iyo ilaha la xariira ka heli kartaa [www.k12.wa.us/Equity](http://www.k12.wa.us/Equity).

<sup>1</sup> Cutubka 28A.642 RCW, <http://app.leg.wa.gov/rcw/default.aspx?cite=28A.642>. Cutubka 28A.640 RCW, <http://apps.leg.wa.gov/rcw/default.aspx?cite=28A.640>. Cutubka 49.60 RCW, <http://app.leg.wa.gov/rcw/default.aspx?cite=49.60>.



# Xuquuqda Ardayda

## Diinta iyo Ku Dhaqanka Diinta

### Ku Dhaqanka Diinta Xiliga Iskuulka

Baddalaadda Kowaad (First Amendment) ee Dastuurka Mareykanka waxay badbaadisaa xuquuqda ardayga u leeyahay xoriyadda diinta iyo xoriyadda hadalka.

Ardayda doorata in ay soo jeediyaan diintooda inta ay ku sugar yahiin dugsiga, waa loo ogol yahay in ay:

- Sheegaan waxyabaha ay aaminsan yihii inta ay joogaan dugsiga, shaqada guriga, iyo hawsha dugsiga
- Tukadaan ama aqristaan qoraalada diintooda muddada, qadada, iyo waqtiga kale ee aan waxba la baranin, sida dugsiga ka hor ama kaddib.
- Tukadaan ama kala xaajoodaan diinta ardayda kale waqtiga maalinta dugsiga isla sida ardayda ay wada hadalo ula galaan ardayda kale, haddii aysan carqaladeynin iyo aysan faragelinin xuquuqda ardayda kale

### Baridda ku saabsan Diinta

Dastuurka Mareykanka wuxuu dugsiyada dadweynaha ka mammuucay in ay hal diin ka aqoonsadaan ama ka jecladaan diin kale iyo in ay diin ka jecladaan kuwa aan diin haysanin.

#### Dhexdhexaad. Ujeedada. Miisaaman.

Dugsiyada dadweynaha waxaa loo ogol yahay in ay ardayda baraan diimaha dunida ilaa inta tababarkaan u adeego ujeedada waxbarashada, sida kaalinta diinta ka qaadato taariikhda iyo bulshada. Macalimiinta waa in ay qoraalka u soo bandhigaan si dhexdhexaad ah, xaqiqada, oo miisaaman.

Guud ahaan, dugsiyada dadweynaha waxaa loo ogol yahay in ay isticmaalaan muusiko, fan, drama, ama suugaanta la xariira fikradaha diinta. Tusaale ahaan, ardayda waxay dhageysan karaan muusikada diinta sida qeyb ka tirsan daraasadda aqoonta muusikada iyo taariikhda muusikada. Hase ahatee, dugsiyada waa in aysan adeegsanin muusikada noocaas si ay u horumariyaan diinta.

Dugsiyada dadweynaha waa in aysan ku adkeysanin ama horumarinin caqiidada diinta. Lama ogola shaqaalaha dugsiga dadweynaha, sida tababarada, si ay u hoggaamiyaan ducada ama si ay ardayga ugu dhiirigeliyaan ducada. Shaqaalaha dugsiga waa in aysan dhiirigelinin ama ardayda ku casumin in ay ka qeybgalaan, ama ka hor istaagaan, hawlahaa diinta.

### Xallinta Dhibatooyinka ama Qilaafaadka

Wada hadalka lala yeesho maamulaha dugsiga, ama iskuduuhaha u hoggaansamida xuquuqda madaniga ee dugsiga dagmada, badanaa waa talaabada kowaad oo looga hadlo arrimahaada ama qilaafaadkaada ku saabsan takoorka, iyo xalka dhibaatada.

- **Ahamiyadda sii xaqiqiada** la xariirta takoorka iyo kadeedka, sida aad u fahamsan tahay, IYO
- Ogeysii maamulaha ama iskuduuhaha **waxa aad rabtid in ay sameyaan si ay u xalliyaan dhibaatadaas**

Waxaad macluumaadka lagala xariiro iskuduuhaha u hoggaansamida xuquuqda madaniga ka heli kartaa halkaan, [www.k12.wa.us/Equity/ContactList.aspx](http://www.k12.wa.us/Equity/ContactList.aspx). Waxaad kaloo fursad u haysataa in aad soo gudbisid ashtako rasmi ah.



# Xuquuqda Ardayda Diinta iyo Ku Dhaqanka Diinta

## **Ashtakooyinka Rasmiga - Takoorka iyo Kadeedka Takoorka**

Haddii ay kula tahay in cunugaada uu la kulmo takoor ama kadeedka takoorka, waxaad soo gudbin kartaa ashtako rasmi ah.

- Bogga Sinaanta iyo Xuquuqda Madaniga, [www.k12.wa.us/Equity/Families](http://www.k12.wa.us/Equity/Families), waxaad ka heli doontaa macluumaad ku saabsan sida loo gudbiyo ashtako rasmi ah iyo sida loo raaco talaabadaha.
- Kala xariir U.S. Waaxda Waxbarashada (Department of Education), Xafiiska Xuquuqda Aadanaha (Office for Civil Rights), telefoonka 206-607-1600 (TDD: 1-800-877-8339), ama booqo bogga internetka, [www.ed.gov/ocr](http://www.ed.gov/ocr).
- Kala xariir Guddiga Xuquuqda Aadanaha Gobolka Washington (Washington State Human Rights Commission), telefoonka 1-800-233-3247 (TTY: 1-800-300-7525), ama booqo bogga internetka, [www.hum.wa.gov](http://www.hum.wa.gov).

## **Ka baro in badan. Weydii su'aalo. Raadso kaalmo.**

**Xafiiska Sinaanta iyo Xuquuqda Madaniga (Equity and Civil Rights Office) ee Xafiiska Agaasimaha Waxbarashada Dadweynaha (Office of Superintendent of Public Instruction)**

360-725-6162 | TTY: 360-664-3631 | [equity@k12.wa.us](mailto:equity@k12.wa.us) | [www.k12.wa.us/equity](http://www.k12.wa.us/equity)

**Si aad u heshid Iskuduwaha u Hoggaansamida Xuquuqda Madaniga (Civil Rights Compliance Coordinator) ee ku yaal dagmadaada, booqo:**

[www.k12.wa.us/Equity/ContactList.aspx](http://www.k12.wa.us/Equity/ContactList.aspx)

Waxaad macluumaad badan oo ku saabsan takoorka iyo kadeedka, tilmaamaha siyaasadda dagmada iyo dhaqanka, iyo ilaha la xariiro, ka heli kartaa [www.k12.wa.us/Equity](http://www.k12.wa.us/Equity).

Warqadaan waxay soo taxday xuquuqda iyo mas'uuliyadda sida hoos timaado sharchiyada xuquuqda madaniga gobolka iyo federaalka. Waxaa dhici karto in aad yeelatid xuquuq dheeraad ah sida hoos timaado sharchiyada kale. Ujeedada macluumaadkaan waa wargelin oo keliya - ma ay bixinayaan tallo sharchi ah. Wixii talooyin sharciga oo u qaasa daruuftaada xaalada shakhsinimo, fadlan kala xariir qareen.

OSPI ayaa u siisa marin siman dhamaan barnamijiyada iyo adeegyada iyada oo aan ku saleysnayn dheddig/lab ahaan, sinji, caqido, diin, midab, asal waddan, da'da, kuwa si sharaf leh looga sii daayay ciidamada ama heerka ciidamada, Dookh Isku-tag, oo ka mid yihiin muujintaa ama isku-aragga lab/dheddig, jiritaan kasta oo naafanimo dareen dhimir ama jirka ah, ama isticmaalka hage ey tababbaran ama u adeegga xayawaanka ee qofka naafanim,ada qaba. Su'aalaha iyo cabashooyinka taakoorka la sheeganayo ayaa lagu hagaajin karaa the Equity and Civil Rights Director, (360) 725-6162 or P.O. Box 47200; Olympia, WA 98504.

